



*Iehu fait ietter Iezabel par les fenestres, qui est foulée des cheuaux :  
& enfin mangée des chiens.*

**A**V temps que le Roy Achab regnoit en Samarie, estoit vn nommé Naboth, lequel auoit vne vigne près la possession d'Achab, qu'iceluy Achab voulut auoir pour faire vn iardin a poirée, de laquelle iceluy Naboth luy fist refus. Ce qu'entendu par Iezabel, assura le Roy qu'en bref il auroit ladite vigne ; pour à quoy paruenir, elle fist attitrer deux faux tesmoins, qui deposerent que Naboth auoit maudit Dieu, & le Roy, & fut Naboth lapidé. Lors Iezabel dist au Roy, Maintenant prens possession de la vigne de Naboth, car il est mort. Adonc la parole du Seigneur fut à Helie, disant à Iezabel, En ce lieu où les chiens ont leché le sang de Naboth, ils lecheront aussi ton sang. Ce qui aduint à Iezabel, laquelle apres qu'Achab fut occis en bataille, & sa posterité esteinte, lors que Iezabel esperoit entrer en la grace de Iehu, s'estant parée & fardée pour le receuoir. Mais Iehu executant la justice de Dieu, la fist ietter par la fenestre du haut à bas, & les ongles des cheuaux marcherent dessus elle : Mais à cause qu'elle estoit fille de Roy, Iehu enuoya pour l'enseuelir, & ne s'y trouua que la teste, les mains & bouts des pieds, car les chiens l'auoient mangée, selon la parole du Seigneur qui auoit parlé à Helie.

*3. Des Roys 21. Chap. & 4. Des Rois 9. Chap.*